
ЯРАШ-ЯРАШ БЎЛДИ

А.Абдухокимов 2020 йил 13 май куни соат тонгги 6:00 лар чамаси “MAN” русумли, 40 F 038 QA давлат белгили автомашинасини А-373 Тошкент-Ўш автомобиль йўлининг 366 километрида бошқариб кетаётиб, ўта чарчоқ натижасида рулда ухлаб қолади. Натижада у бошқарувни йўқотади ва ўзига нисбатан йўлнинг ўнг четида тўхтаб турган А.Тошматовнинг бошқарувидаги “Исузу” русумли, 60Т 439 РА давлат белгили автомашинасини орқасидан бориб урилади. Оқибатда “Исузу” ҳайдовчиси А.Тошматов, йўловчилар Х.Нишонов ва А.Турсунов турли даражадаги тан жароҳатлари олишади.

Ҳайдовчи А.Абдухокимов хатосини ўз вақтида англаб етади ва жароҳат олганларда зудлик билан биринчи ёрдамни кўрсатади. Уларни йўловчи машинада тиббиёт муассасасига олиб бориб, то даволаниб муассасадан чиққунларига қадар моддий тарафдан ёрдам бериб, ҳолидан ҳабар олиб туради.

Барча етказилган зарарларни ўз вақтида ихтиёрий равишда қоплаган А.Абдухокимов ва унга бирор бир даъвоси бўлмаган жарбланувчиларнинг ярашув ҳақидаги аризаларини кўриб чиқиб, иш материллари билан танишиб, жиноят ишлари бўйича Ёзёвон туман суди жиноят ишини тарафлар ярашганлиги муносабати билан тугатиш ҳақида ажрим чиқарди.

Натижада ўз вақтида айбини тан олиб уни ювишга киришган шахс судланган деган тамғадан сақланиб қолди.

Бегзод ҲАЙДАРОВ,

жиноят ишлари бўйича Ёзёвон туман судининг раиси.

ЁЗЁВОН ТУМАНИ ҲОКИМЛИГИ АХБОРОТ ХИЗМАТИ

2020-08-06 16:09:24